



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1954/11
Sarajevo, 22.12.2011. godine

02-50-6

23-12-2011

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 23.12.2011			
Organizaciona jedinica	Klasifikaciona oznaka	Radni broj	Broj priloga
02-50-6-16-6/11			

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 169. sjednici održanoj 21.12.2011. godine, utvrdilo je Odgovor na izaslaničko pitanje koje je postavio Mehmed Bradarić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1954/11
Sarajevo, 21.12.2011. godine

Mehmed Bradarić, delegat u Domu naroda Parlamentarne skupštine Bosne i Hercegovine, na 6. sjednici Doma naroda, održanoj 30. 09. 2011. godine, postavio je sljedeće delegatsko pitanje:

„Kemal Huseinović prije 4 godine imenovan je za direktora RAK-a, ali nikada od Vijeća ministara nije dobio rješenje o imenovanju jer nisu dali saglasnost na njegovo imenovanje. Procedura je provedena od vijeća RAK-a, ono je Vijeću ministara dostavilo jednoglasan prijedlog za imenovanje Kemala Huseinovića za generalnog direktora, jer je jedini ispunjavao zakonom propisane uslove. Savjet RAK-a se 2008. godine obratio Vijeću ministara i Parlamentarnoj skupštini BiH zbog tumačenja takvog stava, ali nikada nije dobio odgovor. Pitam Vijeće ministara BiH zašto nije postupilo po zakonu i kakav je danas njihov stav u vezi ovog problema?“

Na postavljeno delegatsko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službenik glasnik BiH", br. 30/03, 42/03, 81/06, 76/07, 81/07, 94/07 i 24/08)), na 69. sjednici održanoj 21.12.2011. godine, utvrdilo je sljedeći

ODGOVOR

Regulatorna agencija za komunikacije Bosne i Hercegovine (u daljem tekstu: Agencija), dopisom broj: 01-02-323 od 8. 8. 2008. godine, obratila se Zastupničkom domu Parlamentarne skupštine Bosne i Hercegovine, sa zahtjevom za autentično tumačenje člana 36. st. (2) i (3) i člana 40. stav (1) Zakona o komunikacijama („Službeni glasnik BiH“, br. 31/03, 75/06 i 32/10).

Prema, članu 40. stav (1) Zakona o komunikacijama, Agencijom rukovodi generalni direktor kojeg predlaže Vijeće Agencije, a potvrđuje Vijeće ministara Bosne i Hercegovine u roku od 30 dana nakon podnošenja prijedloga.

Pomenuti zahtjev, Ministarstvu komunikacija i prometa je dostavljen, uz dopis Generalnog sekretarijata Vijeća ministara Bosne i Hercegovine, broj 05-02-2633/08 od 8. 9. 2008. godine.

Prijedlog mišljenja za autentično tumačenje člana 40. stav (1) Zakona o komunikacijama, Ministarstvo komunikacija i prometa je, uz dopis broj 01-02-12931-1/08 od 17. 10. 2008. godine dostavilo Generalnom sekretarijatu Vijeća ministara Bosne i Hercegovine.

Pomenuti prijedlog, pod tačkom 28. dnevnog reda, razmatran je i podržan na 23. sjednici Odbora za ekonomiju, održanoj 12. 11. 2008. godine.

Na 85. sjednici, održanoj 29. 4. 2009. godine, na prijedlog Ministarstva komunikacija i prometa, Vijeće ministara Bosne i Hercegovine, utvrdilo je Prijedlog mišljenja za autentično tumačenje člana 40. stav (1) Zakona o komunikacijama.

Postupajući po Obavijesti o zaključku Vijeća ministara Bosne i Hercegovine, broj: 05-07-1353-20/09 od 4. 5. 2009. godine, Ministarstvo komunikacija i prometa je dana 15. 5. 2009. godine Generalnom sekretarijatu Vijeća ministara Bosne i Hercegovine dostavilo utvrđeno mišljenje, u cilju dostavljanja Zastupničkom domu Parlamentarne skupštine Bosne i Hercegovine, na dalji postupak.

Ministarstvo komunikacija i prometa je dopisom Generalnog sekretarijata Vijeća ministara Bosne i Hercegovine, broj: 05-02-2633/08 od 22. 05. 2009. godine, obaviješteno da je mišljenje utvrđeno na 85. sjednici Vijeća ministara Bosne i Hercegovine, održanoj 29. 4. 2009. godine, zaprimljeno 22. 05. 2009. godine na Protokolu Parlamentarne skupštine Bosne i Hercegovine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1954/11
Sarajevo, 31.10.2011. godine

02-50-1

31-10-2011
[Signature]

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01.11.2011			
Organizaciona jedinica	Klasifikaciona oznaka	Redni broj	Broj priloga
02-50-6	-16-6/11		

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 165. sjednici održanoj 26.10.2011. godine, utvrdilo je Odgovor na izaslaničko pitanje koje je postavio Mehmed Bradarić, izaslanik u Domu naroda Parlamentarne skupštine Bosne i Hercegovine.

U pravitku prosjeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1954/11
Sarajevo, 26.10.2011. godine

Mehmed Bradarić, delegat u Domu naroda Parlamentarne skupštine Bosne i Hercegovine, na 6. sjednici Doma naroda održanoj 30.09.2011. godine, postavio je sljedeće delegatsko pitanje:

„Usvojen je Zakon o zaštiti ličnih podataka. Ipak, hiljade građana BiH vreba opasnost od krađe identiteta jer su njihovi matični brojevi dostupni svima na oficijelnim web stranicama niza javnih institucija koje bi trebale da znaju da time krše zakon. Pitam Agenciju za zaštitu ličnih podataka, može li se ovome stati u kraj i da li su se stekli uslovi da se prekršioi zakona počnu kažnjavati?“

Na postavljeno pitanje, Vijeće ministara Bosne i Hercegovine je na 165. sjednici održanoj 26.10.2011. godine, utvrdilo sljedeći

ODGOVOR

Obavljanjem poslova iz okvira svoje nadležnosti, Agencija je ustanovila da je zakonitost obrade ličnih podataka, naročito u javnim organima, na niskom nivou. Trenutno, Agencija vrši monitoring oficijelnih web stranica javnih organa na svim nivoima vlasti u Bosni i Hercegovini, u skladu s kojim će preduzeti potrebne aktivnosti u cilju sprječavanja nezakonite obrade ličnih podataka. Iako su Zakonom o zaštiti ličnih podataka propisane kaznene odredbe u skladu s kojima Agencija može izdavati prekršajne naloge i podnositi zahtjev za pokretanje prekršajnog postupka zbog nepoštivanja navedenog Zakona, Agencija to nije činila do sada. Osnovni razlog za navedeno je nepostojanje formalno-pravnih i tehničko-organizacionih uslova.

Kao drugi razlog za neprimjenjivanje kaznenih odredbi je činjenica da je oblast zaštite prava na privatnost i ličnih podataka u pogledu obrade istih, nova oblast u Bosni i Hercegovini sa kojom nisu u dovoljnoj mjeri upoznati ne samo građani, nego i oni koji obrađuju lične podatke. Stoga je Agencija u toku dosadašnjeg rada djelovala preventivno s ciljem upoznavanja građana i kontrolora s pravom na zaštitu ličnih podataka. Takva praksa je primjenjena i u drugim susjednim državama. Usljed

ovakvog djelovanja, od strane kontrolora je iskazana spremnost za uspostavljanje najboljih standarda kod obrade i zaštite ličnih podataka.

Agencija je ostvarila sve neophodne formalno-pravne i tehničko-organizacione uslove za primjenu kaznenih odredbi, tako da će u narednom periodu početi sa primjenom istih. Novačane kazne propisane Zakonom o zaštiti ličnih podataka zbog nezakonite obrade ličnih podataka, kreću se u rasponu od 100 KM do 100.000 KM, u zavisnosti od vrste prekršaja.

Agencija je nadzorni organ uprave koji nadgleda provođenje Zakona o zaštiti ličnih podataka i drugih zakona o obradi ličnih podataka, zbog čega je Zakonom o izmjenama i dopunama Zakona o zaštiti ličnih podataka („Sl. glasnik BiH“ br. 76/11) propisano da Agencija djeluje potpuno nezavisno u izvršavanju dužnosti koje su joj povjerene.

Također, nedosljedna primjena člana 3. Zakona o platama i naknadama u institucijama Bosne i Hercegovine kojim je propisan princip „Ista plata za isti ili sličan posao...“ dovodi u pitanje primjenu ovlaštenja inspektora za izdavanje prekršajnih naloga i podnošenja zahtjeva za pokretanje prekršajnog postupka. Iako je na 83. sjednici Vijeća ministara Bosne i Hercegovine usvojena Informacija Agencije u vezi implementacije Zakona o platama i naknadama u institucijama Bosne i Hercegovine i usvojen je Zaključak da Ministarstvo finansija i trezora BiH, u saradnji sa Uredom za zakonodavstvo Vijeća ministara BiH, preduzme aktivnosti iz svoje nadležnosti kako bi se pitanje dodatka na plate zaposlenih u Agenciji, koji obavljaju poslove u vezi inspekcijskog nadzora, riješilo u skladu sa naprijed navedenim principom. Ministarstvo finansija i trezora BiH i Ured za zakonodavstvo Vijeća ministara BiH nisu preduzeli nikakve aktivnosti u vezi realizacije predmetnog Zaključka, pa ni nakon urgencija navedenim organima, što je najblaže rečeno neprihvatljivo.